



# FAFANA

Volana Mey 2023 - Laharana 235 - Vidiny 1 000 Ariary



“...Soraty ny fahitana, ka ataovy velona tsara ny soratra eo amin’ny Fàfana, ...” Habakoka 2<sup>2</sup>

## GAZETY AVOAKAN’NY FJKM ANKADIFOTSY ISAM-BOLANA

### FJKM Berenty > 8

## Hotokanana amin’ny 31 May ho avy izao



#### FINARITRA !



Ry havana malala  
Ry Kristiana havana

« Mangataka aho mba hambinina sy ho salama amin’ny zavatra rehetra anie ianao, tahaka izay anambinana ny fanahinao ihany » III Jao 2. Ny volana Mey dia volan’ny Fanahy Masina satria hiandrantsika fatrata ny fahatsiarovana ny fahatongavan’ny Fanahy Masina tamin’ny fiangonana voalohany dia ny «Pentekosta».

Ny Fanahy Masina mantsy dia endrika iray niseho an’Andriamanitra araka ny asa notanterahany teto anivon’izao tontolo izao. Araka ny fanekem-pinoantsika Kristiana dia niseho tamin’ny endrika Telo Andriamanitra dia ny maha Ray, maha Zanaka, ary maha Fanahy masina Azy, araka ny asa notanterahany avy. Ny maha Ray azy dia noho izy mpahary sy Tompo ary miahysy

### « Andriamanitra miasa ny Fanahy Masina »

mitondra ny tantaran’izao tontolo izao. Ny maha Zanaka Azy dia noho Izy Andriamanitra tonga olona hamony sy hanavotra ary hanafaka izao tontolo izao. « Fa toy izao no nitiavan’Andriamanitra izao tontolo izao, nomeny ny zanany lahy tokana mba tsy ho very izay rehetra mino azy fa banana fiainana mandrakizay » Jao 3:16. Mandritry ity volana Mey ity kosa isika dia hifantoka tanteraka amin’ny hery sy ny asan’ny Fanahy Masina araka ny lohahevitra hiarahantsika mibanjina hoe « Andriamanitra miasa ny Fanahy Masina ».

Dia Andriamanitra miasa sy manatrika antsika amin’ny alalan’ny Fanahy Masina noho izy netin’Andriamanitra mampahery, mampionna, mampitraka, mitsilo sy manazava ny diatsika. Misolo vava ho antsika koa izy eo amin’ny ady rehetra hatrehantsika. Amin’ny alalan’ny Fanahy Masina no mampijoro antsika ho vavolombelona sy mampatsiaro ary mampianatra antisika eo fiatrehana ny zavatra rehetra araka izay efa nampianarin’i Jesoa antisika. Tena Andriamanitra miasa eo amin’ny fiainantsika ny Fanahy Masina. Amin’ny alalan’ny Fanahy Masina no maha feno ny fanatre-

han’Andriamanitra antsika satria afaka mahita sy manatrika antsika amin’ny fotoana, ny toerana ary ny tranga-javatra. Izy na ha izy manerana izao tontolo izao ny fanatrehano, eny fa na dia amin’ny toerana miafina indrindra aza.

Tsy misy azontsika andosirana tsy ho eo anetrahan’Andriamanitra fa eo ambany masonry avokoa isika rehetra.

Io fanatrehan’Andriamanitra amin’ny alalan’ny Fanahy masina io no nitondra sy nitarika antsika ho amin’ny fahatahorana azy izay loharanom-pahendrena (Sal 119:10) ka mampitandrina antsika handeha amin’ny fahitsiana sy ny fahamariana eo amin’izay atao rehetra.

Ny asan’ny Fanahy Masina koa, hananantsika toky ny fahataneraha sy ny fahafenoan’ny asan’Andriamanitra ka n’inona n’inona na manao ahoana tranga-javatra eo amin’ny fiainantsika dia mifona eo anetrahan’Andriamanitra ary hainy hitondrana vahaolana ho antsika avokoa izy rehetra (Jer 32:27). Koa mahereza ry havana ao amin’ny Tompo sy amin’ny herin’ny faherezany.

Ny mpitandrina RAVALOSON

### FIAINAM-PIANGONANA > 8

Fikambanan’ny Tanora Zokiny  
**Mikolokolo ny finoana  
amin’ny alalan’ny  
asa soa**



### FIAINAM-PIANGONANA > 8

**STK Ankadifotsy - 25 taona  
Antsan-kira natao tao  
amin’ny CC Esca  
Antanimena**



### FIAINAM-PIANGONANA > 5

**FSB  
Ntsidika ny FJKM  
Amboatayo Anosiala  
Vavolombelona Mandresy**



**Fitsangatsanganana Alatsinain'ny Paska**

# 1 500 ny mpianakavin'ny finoana namaly ny antso

*Teny Imerinkasinina no nifamotoana ny mpianakavin'ny finoana teto Ankadifotsy ny Alatsinain'ny Paska lasa teo.*

Diman-jato sy arivo (1 500) isa ireo mpianakavin'ny finoana tonga teny Imerinkasinina tamin'ny Alatsinain'ny Paska lasa teo. Fiara 30 teo ho eo no nitatitra tany ankoatra ireo nitondra fiara manokana. Ny mpiandraikitra dia ny Vaomieran'ny fionbonam-piainana, diakona, biraon'ny fiangonana. Hita fa tena nilamina ny fizotry ny fitaterana, na nandroso na niverina.

Nosokafana tamin'ny fampoom-pivavahana notarhan'ny Mpitandrina Ravaloson ny fitsangatsanganana nataon'ny fiangonana teto Ankadifotsy ity. Marihina fa fanaontsika isan-taona izy io, saingy noho ny fisian'ny valanretina Covid-19 dia naato kely izany. Tany Imerinkasinina no nanatanterahana izany tamin'ity taona ity ary voalohany niarahana tamin'ny Mpitandrina Ravaloson.



*Fanentanana isan-karazany no hita teny Imerinkasinina.*

tandrina Ravaloson.

Maro ireo Sampana, Fikambana nandray anjara tamin'izany toy ny Saha Edena, STK Hay Kanto, Dorkasy, Fifohazana, Sekoly Alahady, MTA, Vokovoko Manga, Fahasalamana, ny Mpanazava sy Tily izay samy nanao sakafo ho fampidiram-bola ho an'izy ireo ho amin'ny asa izay ataony avy.

Nisy ihany koa ny fampilalao-vana izay nataon'ny Mpanazava sy Tily ary ny MTA izay nahasarika olona maro ary nisy valisoa natolotr'izy ireo ho an'izy nahavita hatramin'ny farany. Tao ihany koa ny fanentanana maro samihafa toy ny hira sy dihy izay nataon'ny Dorkasy, ny VFL.

Ny hariva dia nisy ny zumba ka nisy ny fanentanana

nataon'ny Raiamandreny Mpitandrina mivady. Samy afa-po avokoa ireo izay nandeha ary tena hita soritra fa tafita ny hafatra Paska izay natao, dia ny fitoriana ny Filazantsara tany Galilia. Nofaranana tamin'ny fanompoom-pivavahana nataon'ny Mpitandrina ihany koa ny fotoana.

*Nanangona Malala Soa*

## Sekoly Alahady

### Fihaonamben'ny mpampianatra tany Moramanga

"Ary raiso ... ny Tenin'Andriamanitra ho sabatry ny fahany" Efe 6: 17, no teny filamatry ny fihaonamben'ny mpampianatra, izay notanterahina tany Moramanga ny 19, 20, 21 Aprili 2023 teo.

Niainga tao amin'ny FJKM Ankadifotsy ny talata 18 Aprili tamin'ny 4 ora hariva ireo olona miisa 27 solotenan'ny mpampianatra avy eto amin'ny fitandremana, izay notarhan'ny filohan'ny S.A Rakoto-vao Rija Nivoson.

Nosokafana tamin'ny fomba ofisialy tao amin'ny FJKM Moramanga Fitiavana ny 19 Aprili 2023 ny fihaonambe, nitohy ny alakamisy 20 Aprili ny fampianaranana,



*Solotenan'ny FJKM Ankadifotsy tamin'ny fihaonamben'ny mpampianatra sekoly alahady tany Moramanga.*

ary ny 21 Aprili kosa no fampoom-pivavahana famaranana ho an'ny fihaonamben'ny mpampianatra S.A, sy fanokafana ny fankalazana an'Andriamanitra noho ny jobily faha 150-tao-nan'ny sampana Sekoly Alahady FJKM. Ny (II Tim 3: 15a, Deo 6: 7a) "Fa hatry ny fony vao zaza ianao dia efa nahalala ny Soratra Massina...dia ampiarano tsara ny zanakao izany" no nitondran'ny Mpitandrina sady filohan'ny FJKM, Dr Irako

Andriamahazosoa Ammi ny hafatr'Andriamanitra.

Ny filohan'ny SA eto amin'ny fitandremana dia maneho fisaorana sy fankasitrhana ireo rehetra tonga nisolotena ny sampana, "...efa nahazo maimaimpoana ianareo, koa manomeza maimaimpoana." Mat 10: 8b, noho izany dia manentana ihany koa izy mba hizaran'izy ireo, izay rehetra azo ho an'ireo namana izay tsy mba afaka noho ny antony maro. "Mba ho hery entintsika rehetra miasa hatrany", hoy izy, ary ho voninahitr'Andriamanitra irery ihany.

*Nangonin'i Malala Andrinaina*

## Herinandro Masina

Ny alahadin'ny Sampan-drofia no nisantaran'ny Mpihiran'ny Farimbona ny Herinandro masina. Nanakoako nandritra io fo-toana io ny hira fankalazana ny Paska.

Ny Alatsinainy dia ny mpitandrina Rajaonarison Rado Fanomezantsoa, avy ao amin'ny FJKM Manjakaray, no nitondra ny fampianaranana. Voalaza tao anatin'izany fa tsy nankasitranan'ny jiosy ny maha mpanjaka an'i Jesoa, na izany aza anefa dia naneho ny maha mpanjaka Azy ny tenany. Nasehon'i Jesoa tsara teto fa toeram-pivavahana ny tempoly, ka izay no nahatonga Azy nandroaka ireo mpivaratra na ireo ratsy. Ny tenantsika no oharin'i Jesoa amin'ny trano fivavahana ka nahasarotiny Azy. Mazava, araka izany, fa te hanana fahefana eo amin'ny fainanao i Jesoa Kristy, koa omenao fahefana ve Izy ?

Ny mpitandrina Ralison Gilbert, avy ao amin'ny FJKM

Antanimena Andrefana, kosa no nitondra ny fizarana ny talata. Ny maha izy Azy an'i Jesoa Kristy eo amin'ny fainantsika no nozrainy nandritra ny fampianaranana. Nambara ary fa i Jesoa Kristy no fototry ny fitahiana, fahasoavana ary ny famonjena. Misy anefa ny toepon'ny olona no mamono an'i Jesoa Kristy, izay miseso amin'ny fankalazana ny fiangonana. Tsarovy anefa fa na teo aza izany, dia tsy maintsy novoina ny zanak'Andriamanitra mba hahatantera ny fiamonjena. Noho izany dia mianara mitia an'i Jesoa Kristy ary tokony ho hita taratra eo amin'ny fainantsika izany.

Ny nanorenan'i Jesoa Kristy ny fanasana voalohany no nentin'ny mpitandrina Ravaloson ny alakamisy. Mampiseho ny tena fitiavan'Andriamanitra izao tontolo izao ny nanorenana ny Sakramenta. Nambara teto fa mila misamatoตรา amin'ny Jesoa Kristy isika mba hanambarany ny sitrapon'Andriamanitra, mila miambina ary mila manana fiaianam-bavaka. Meteza hianatra amin'ny Jesoa Kristy hanare-

nana izay tsy mety.

Ny mpitandrina Rasoloni-rina Marijaona Davida avy ao amin'ny FJKM Anjanahary maritiora no nitondra ny fampianaranana manaraka. Tamin'ity zoma masina ity no nahatsiaro-vana ny namonoana an'i Jesoa Kristy teo ambony hazofijaliana, hoy izy. Nitaky antsika handini-tena io fotoana io, tsarovy ny antony nahafatesan'i Jesoa Kristy. Fampisaintsaina sy fandinahan-tena ho antisika ny nahafatesan'ny Tompo. Andriamanitra tsy ela amin'ny teny fikasany ary mamaly olona araka izay ataony avy.

Nanakoako ny alahady nandritra ny fampoom-pivavahana voalohany sy faharoa ny nitsanganan'ny Tompo tamin'ny maty, ka niderana sy nisiarana Azy. Ary nofaranan'ny Mpihiran'ny Farimbona amperinasa sy ny Taniketsan'ny mphihi ny hariva tamin'ny Antsa Paska izany.

*Ninie R.*

**NY BAIBOLY INDRAY MIELATRA**

## Tantara voalohany

Boky iray ihany ny Tantara Voalohany sy Faharoa tany aloha. Ny lohateniny amin'ny teny Hebreo dia : 'Devri Hayyammim' izay midika hoe : ny tranga rehetra araka ny vanim-potoana, ary izy no boky farany indrindra ao amin'ny Baiboly Hebreo. Amin'ny teny Grika kosa : "Paralipomena" izany hoe : "ireo zavatra sisatvela" avy tamin'ny bokin'ireo mpanjaka. Mety ho voasoratra taty aorian'ny fahabaoana izy ity, ary manasongadina kokoa ny amin'ny fisoronana ny boky, fa izay mpanoratra azy dia tsy voafaritra mazava. Voamarika fa misy fitohizan-kevitra amin'ny bokin'i Ezra sy Nehemia.

Izay mandrafitra ny boky amin'ny ankapobeny

- Toko 1-9 : tetiharana miatomboka any amin'i Adama hatramin'i Davida.
- Toko 10-29 : Ny amin'ny fanjakan'i Davida.

*fifiAV*

## TSY HARITRA

### Lalàna sy fitsipika nafakely !

Rehefa mivahiny, indrindra any amina firenena vahiny, dia tsarovy fa misy hatrany ny lalàna sy ny fitsipika samihafa izay tsy maintsy arahina. Saingy misy ihany koa ny fitsipika izay mahavariana satria toa... hafahafa ! Santionany amin'izany ireto.

Voarara ny mitsako siligaoma eny an-dalambe any Singapour, na manary siligaoma eny amin'ny tany. Voarara ny fivarotana siligaoma any nanomboka ny taona 1992. Voarara ny tombokavatsa (tatouages) izay maneho ny endrik'i Bouddha sy ny sary masina rehetra any Thailande nanomboka ny taona 2011.

Voarara ny mievina an-dalambe any an-tanànan'i Ashville (Caroline Avaratra, Etazonia). Voarara koa any ny lahy sy vavy miray fandriana any amin'ny trano fandrasam-bahiny, fa tsy maintsy asiana elanelana 60sm ny fandrian'ny roa tonta.

Voarara ny manao kiraro mitabataba any amin'ny nosy Capri (Italie). Any amin'ny morontsirak'i Eraclea (Italie) dia voarara ny manao kisarisarin-trano eo amin'ny fasiky ny torapasika...

*RH*



## FANTARO

### I Timoty

Timoty, tanora iray tonga kristianina tamin'ny dian'ny Apostoly Paoly voalohany nitory ny filazantsaran'i Jesoa Kristy. Avy any Lystra (Azia Minora) no fonenany. Jiosy i Eonika reniny, ary grika kosa ny rainy (Asa16.1), voamarika ao amin'ny Soratra Massina noho ny amin'ny finoany koa ny renibenyo, Loisa.

Avy amin'ny anarana hoe Timotheus ny anarany, izay midika hoe : **mpanome voninahitra an'Andriamanitra**.

Zanaka ara-panahin'i Paoly i Timoty. Noforaina (Asa. 16. 3). Niara-nitory ny filazantsara tamin'ny Apostoly Paoly tamin'ny diany faharoa sy fahatelo i Timoty, ary nambara ho niara-nandefia ireo taratasy na epistily sasantsasany taminy koa izy. Nalefan'i Paoly tany Atena sy Tesalonika ary Korinto izy namaha ny olana ara-poto-pinoana niainan'ny fiangonana. Ary nitondra ny fiangonana tao Efesosy.

Ambaran'ny Apostoly Paoly manokana fa lehilahy voazaha toetra i Timoty, niara-nanompo teo amin'ny Filazantsara, ary tahaka ny zanaka manompo ny ray no namaritany azy. Fil.2

*fifiAV*

# Fiaianam-pirenena Miantso ny fandraisan'andraikitrty ny olom-pirenena ny FFKM

*Manaraka ny raharaha-pirenena ny Fiombonan'ny Fiagonana Kristiana eto Madagasikara (FFKM) araka ny tatitra nataon'izy ireo nandritra ny fihaonambeny farany teo.*

Nivoitra nandritra ny fihaonambe voalohany notanterahan'ny FFKM ny 29 hatramin'ny 31 Martsa teo fa « mpaminany ny fiagonana ka sahy hijoro ho vavolombelona hampainana ny sahamariana sy hanamafisana ny fiombonana araka ny Soratra Masina ».

Lohahevitra nifantohan'io fihaonambe io ny hoe : « Fiangonana miray saina mba hanome aina ny fiombonan'ny fiagonana sy hanorina firenena vanona ».

Araka izany dia nanainga antsika kristianina hamelona aina indray ireo rantsamangai-kan'ny FFKM izay hiandraikitra ny :

- fanabeazana ho olom-pirenena vanona, ho kristianina mijoro sy mandray andraikitra



Ireo filohan'ny FFKM 4 mirahalahy.

amin'ny firenena, izay fijo-roana ho vavolombelon'ny Famonjen'i Kristy, izay mikendry ny hampanjariana ny fiadanan'i Kristy eto Madagaskara, mba hampiray ny Malagasy rehetra.  
- fanaraha-maso ny fikarakarana fifidianana mialoha, mandritra ary aorian'ny androm-pifidianana manerana an'i Madagaskara.  
- fitandroana ny rariny sy ny hitsiny eo amin'ny fieraha-monna eto Madagaskara, ani-

san'izany ny ady amin'ny kolikoly sy ireo fibetsika mien-drika fanamparam-pahefana maro samihafa.

Mahatsapa ny FFKM fa mitombo ny fisampihantsiana, koa manamafy ny antso izay efa nataony ny FFKM hitandroana hatrany ny fiadanana sy ny fandriampahalemana ary ny fihavanana, ka hampsahatra ny herisetra amin'ny endrin rehetra.

Nanambara ihany koa ny FFKM fa taom-pifidianana ity taona ity, koa miantso antsika ny FFKM mba handray andraikitra tsy hitaredretra hanoratra anarana sy hanamarina ny firaketana izay ao anaty lisi-pifidianana, ary vonona hisidy ho fanorenana sy fanarenana ny firenena.

Nanangona R.Sidonie

## FJKM foibe Hisy ny vavaka sy fifadian-kanina mialoha ny fotoan-dehibe rehetra

Nisy ny fanambarana izay nataon'ny Mpanolotsain'ny Birao Foibe fa hisy hatrany ny vavaka sy ny fifadian-kanina hokarakarain'ny FJKM Foibe mialoha ny fotoan-dehibe rehetra. Tamin'izany koa no niantsoana izay vonona hanao vondrom-bavaka miaraka amin'ireo Tonia mpiakarakara ny vavaka sy ny fifadian-kanina.

Izany no fantatra nandritra ny vavaka sy fifadian-kanina natao ny ny Zoma 7 Aprily 2023 tontolo andro tao amin'ny FJKM Andravoahangy-Fivava-hana ho fitodihana amin'Andriamanitra sy ho fiandrardana ny Paska izay maneho ny Herin'ny Fitsanganan'ny Tompo tamin'ny maty ary ny fiaianan'ny kristianina tsirairay, izay nokarakarain'ny foibe FJKM.

Tsy nampihavana fotsiny antsika tamin'Andriamanitra i Jesoa Kristy, fa mitarika antsika ho tia an'Andriamanitra ihany koa.

Taorian'izay, nisy ny rojombavaka natao, fisampizarana, fannazavana ny Tenin' Andriamanitra ary nisy koa ny fampianaranza izay nozaraina, ka ny lohahevitra voalohany dia ny "Kristianina miaina ny herin'ny fitsanganan'i Jesoa Kristy tamin'ny maty" ka ny nandahatra izany dia Randriamamonjisoa Georges Henri, Mpanolotsain'ny Birao Foibe izay nilazany fa ny fahafatesan'i Jesoa Kristy sy ny fitsanganan'ny maty dia manambarana ny maha Andriamanitra, Zanak'Andriamanitra Azy. Nolazainy ihany koa fa resy ny fahafatesana faharoa ka izay mino Azy dia hanana fiaianana Andriamanitra.

Nanangona Malala Soa

mandrakizay ary resin'i Jesoa Kristy ny ota. Hafatra ho an'izao tontolo izao ny hoe "izay rehetra mibebaka dia hahazo ny fiaianana mandrakizay".

Ny lohahevitra faharoa indray dia "Kristianina mandray ireo endri-pahafatesana misy eto amin'izao tontolo izao" ka ny Dr Andriamampionona Alfred no nampianatra sy nilaza fa ny hevitry ny fahafatesana dia maty rehefa mijanona ny fitempon'ny fo, fanafoanana. Rehefa tafasaraka amin'Andriamanitra ny olona, dia tafasaraka tamin'ny olona samy olona. Ny endri-pahafatesana dia endriky ny fahafatesana, velona ianao fa tafasaraka amin'Andriamanitra. Azo ianana ny fahafatesana raha ampanjakanaeo amin'ny fiaianao Andriamanitra.

Nanangona Malala Soa

## Hazakazaka masina 2023 600 mahery ireo mpino nandray anjara

Manodidina ny 600 ireo tanorany fiagonana niara-ni-hazakazaka nandritra ilay Hazakazaka masina nokarakarain'ny FJKM foibe ny sabotsy 15 Aprily 2023 izay nanomboka tamin'ny 7 ora maraina. Nisy ny asa fitoriana nataon'ireo misionera sy ny fiziana trakitra teny an-dalana. Ny nampiavaka izany dia ny fitoviana toy ny « casquettes » sy « T-shirt » ho mariky ny firaiana.

Nialoha ny hazakazaka, dia nisy ny fanompoam-pivavaha natao tao amin'ny FJKM Antanetibe Fitiavana, ka nitondra ny hafatra tamin'izany ny Sekretera Jeneralin'ny foibe FJKM ny mpitandrina Rakoto-nindrainy Jaona. Tamin'ny 7 ora sy sasany no nanomboka ny Hazakazaka masina nihazo ny toeram-panomanana Mpi-



Fanokafana ny Hazakazaka masina.

tandrina Ivato izay notarhan'ny Sekretera Jeneraly, ny Tonian'ny Departemantan'ny fiagonana, ny Tonian'ny Sampati foibe, ny Tonia sampana Sekoly alahady, Tonian'ny SLK Foibe.

Taorian'izany, dia nisy fifinanana baolina kitra niara-

hana tamin'ireo mpitandrina sy ny Fitatos (Fikambanan'ny Tale sy Tonia). Nirava ady sahala 3 noho 3 ny lalao. Tamin'ny 1 ora tolakandro kosa dia ny ONI-FRRA (oniversite Ravelojaona) sy ny mpiomana mpitandrina indray no nifandrana, ka nisaraka tamin'ny isa 4 noho 0, ny

mpiomana mpitandrina no nitarika ny isa. Anisan'ny nampiavaka ny tontolo andro ihany koa ny seho an-tsehetra momba ny tantaran'ireo martiora tetra Madagaskara. Novelomin'ny avy ao Ambonin'Ampamariana izany ary nisy ny fampirantiana an-tsary sy an-tsoratra ihany koa.

Mitohy ny lalao fisaninana ny taranja baolina kitra lalaovin'ny olona 11, baskety, izay andraisan'ny lehilahy anjara. Ny volley sy ny tsipy kanetibe izay iarahan'ny lahy sy ny vavy. Hatao ny 3 Jona ny lalao famaranana ny tsipy kanetibe, ny 10 Jona ny lalao famaranana ny baskety, ny 17 Jona ny volley, ary ny 24 Jona 2023 ny lalao famaranana ny baolina kitra izay hatao eny amin'ny TPM Ivato.

Rojo Ramaro

## Hafatry ny mpiandraikitra foibe

MF 04/SL XIX CFD AMPANDRANA

12-19 APRILY 2023

Ry Havana malala,

Ho aminareo anie ny fahasoavana sy ny fiadanana avy amin'Andriamanitra Raitsika sy Jesoa Kristy Tompo (I Kor.1:3)

Misaotra an'Andriamanitra isika ny amin'ny fiaianan'ny Fiagonana ary mankasitraka ny Synodamparitany sy ny Fiagonana ary ny Sekoly nanao ny ezaka tamin'ny fananganana ny Vaomieran'ny Hazakazaka Masina sy ny Vaomieran'ny Fananganana ary ny Sekoly.

Isaorana ny Fiagonana izay efa nanao ny Rakitra Soa, ny herinandron'ny Fianakaviana, ny fiaraha-mivavaka isaky ny amin'ny 8 ora alina ary ny fanompoam-pivavahana amin'ny teny Anglisy.

Ny Mpandraikitra Foibe izay nivory teto amin'ny CFD Ampandrana Antananarivo ny 12-19 Aprily 2023 dia manao izao hafatra izao ho an'ny Mpitandrina sy ny vahoakan'Andriamanitra rehetra :

Hankala an'Andriamanitra noho ny faha-55 taona nijorano'ny F.J.K.M isika amin'ny 18 Augositra 2023 ho avy izao. Koa manentana antsika isam-pitandremana hanamarika izany amin'ny alalan'ny fanompoam-pivavahana. Ny fanomezana rehetra azo amin'io fotoana io dia alefantsika any amin'ny komit'in'ny faha-55 taona entina hanatsarana ny Radio Fahazavana sy ny Fahazavana Televiziona.

Entanina hanangana Vaomieran'ny AFIFAB ny SP sy ny Fitandremana.

Manainga antsika hivavaka sy hiomana ho amin'ny Synodampinoana faharoa ny 11-14 Mey 2023 any amin'ny Synodamparitany Amoron'i Mania Ambositra raha sitrapon'ny Tompo ka handinihana ny lohahevitra momba ny fahamarina sy ny fitiavan-tanindrazana ary ny fanambadiana ; ho amin'ny fihaonamben'ny Katekista ny 11-14 Jolay 2023, ny fihaonamben'ny Diakona sy ny Loholona amin'ny 15-18 Augositra 2023 ary ny fihaonamben'ny Asa Fitoriana Filazantsara ny 14-17 Septambra 2023 any Ambanja.

Mampirisika hatrany ny Synodamparitany sy ny Fitandremana amin'ny fananganana ny Vaomieran'ny fananana sy hiroso amin'ny asa fampamokarana ho loharonom-bola maharitra.

Tsara ny mampahafantatra antsika fa efa mahatratra 50 izao ny Sekoly voatsangana amin'ny vina 111 izay notapahin'ny Synoda Lehibe SL XIX, koa mitaona ny Synodamparitany sy ny Fitandremana izay tsy mbola nanangana mba hanao izany.

Miroso amin'ny fomitana ny tsangambaton'ny fankalazana an'Andriamanitra noho ny faha-200 taona ny Sekoly Protestanta isika, koa raha sitrapon'Andriamanitra dia ho vita amin'ity taona ity izany ka afaka hiroso amin'ny fampiofanana isika amin'ny taona ho avy. Entanina isika rehetra mba samy hitondra am-bavaka sy hanohana izany asa izany.

Efa afaka misitraka ireo toriteny sy fampianaranana amin'ny alalan'ny "Application AINA TORITENY SY FAMPIANARANA" isika, ka izay Mpitandrina te handray anjara amin'izany dia aoka hanatona ny Prezida Synodalny isaky ny SP.

Ankasitrahina ireo rehetra nandray anjara tamin'ny Kofehy Volamena ary entanina hatrany ireo izay tsy mbola nahefa izay foiny isaky ny kristiana, isan-taona na hanokana Alahady iray ao anatin'ny taona eo anelanelan'ny volana Jolay – Septambra ka ho entina amin'ny fivoran'ny MF 05 ny volana Oktobra, hananganana fotodrafitsara ho loharonom-bola maharitra.

Misaotra ireo Kristiana sy ny Fitandremana nahatsiaro am-bavaka ny asa sy ny mpiasa ka nanatanteraka ny fitrotraona am-bavaka ny mpiasa eo anivon'ny Foibe F.J.K.M izay tsahivina fa isaky ny Alahady fahatelo amin'ny volana Mey ka ny 21 Mey 2023 no hanatanterhana izany amin'ity taona ity.

Ny F.J.K.M dia mbola manamafy hatrany ny hanaovana ho zava-dehibe momba ny fiaianam-panahy, ny fanajana ny Foto-Dalana sy Fitsipiky ny F.J.K.M ary ny fanambadian'ny lahy sy ny vavy irery ihany araka ny noharian'Andriamanitra azy no ekely

Tanteraka tamin'izao fivoriana izao ihany koa ny fidiñana sy fanendrena ireo Prezida Synodalny vaovao sy ireo Tale Vaovao (Sampanasa : Trano Famoaham-boky Antso, Trano Printy, Aroriaka ary ny Asa Fitoriana Filazantsara, Talem-paritra)

Miantso ny rehetra hifampihaino mba hisian'ny filaminana sy fampianakana ny maha zava-dehibe ny Fihavanana, indrina amin'izao ankafoky ny fididianana eto amin'ny Firenenia izao ary samy handray andraikitra mba ho madio sy mangahaha izany fididianana izany.

« Mtsangana, mihazavà fa tonga ny fahazavano ary ny voninahit' I Jehovah efa mposaka aminao » (Isa.60:1).

Amin'ny anaran'ny Mpandraikitra Foibe

Ny Filohan'ny F.J.K.M

Dr Irako ANDRIAMAHAZOSOA Ammi, Mpitandrina

**Teo foana ianao**

Fa na inona na inona nataoko,  
Sy ireo ditram-pahotako,  
Tety an-dalako tety,  
Dia teo foana Ianao Kristy.

Nitady izay hamonjenao ahy,  
Nanoro ny lalan'ny Fanahy,  
Hahavonjy ahy rahatrizay,  
Hitoerako eo anilan-dRay.  
Fa na inona na inona mitranga,  
Tsy nanilihanao ahy na nijereno saranga,  
Fa na dia solafaka matetika aza aho tety,  
Dia teo foana Ianao niaro izoto dia.

Nitantana am-pitiavana ity tanako maloto,  
Nampitony ny adin-tsaiko tsy hisafotofoto,  
Fa hilamina hatrany hijereko ilay any ho any,  
Dia ilay fiainam-pitoniana any an-danitra any.

Fa na inona na inona miseho,  
Dia ity faharetana izay tena mankaleo,  
Izay mamotika ny fiainantsika tsirairay avy,  
Tsarovy fa ny Tompo, eo foana, raha antsoina dia hamaly.

Fa hamonjy antsika avy hatrany ary tsy hitaredretra,  
Hampiasa ny heriny, ny teniny ary ny fahasoavany amin'ny  
fotoana tsy misy fetra,  
Hamonjena antsika mino, hahatonga antsika ho mahatoky,  
Ka na inona na inona mety ho fahantrana, samy ho voky.

FANJA - 27.01.14 t@ 5ora 25mn - Ambatomitsangana

**Fianjaika****“Cardigan” maivana**

Efa mahatsapa angamba isika rehetra fa efa manomboka mangatsika ny maraina sy ny hariva. Araka izany indrindra, dia ireto karazana “Cardigan” maivana ho an’ny vehivavy ireto indray no atolotra antsika.

R. Sidonie

**MAZOTOA HOMANA****Quiche lorraine**

- **Zavatra ilaina :** (ho an'olona 6) lafarinina 200g, atody 3, charcuterie izay tiana 200g, crème fraîche 20cl, dibera 110g, sira sy dipoavatra.

- **Fomba fikarakarana :** Atambaro ao anaty lovia lalina ny lafarinina sy ny dibera 100g efa notetehina madinika. Rehefa mahazo fango mparitaka toy ny fasika, dia lava-ho ny eo afovoany ary araraho ao ny sira iray tsongo sy rano 5cl. Afangaroy tsara amin'ny tanana, ho lasa paty bolongana. Fafazana lafarinina eo amboniny ary avelao hitoetra sy hitombo eo mandritra ny 30mn.



Teteho madinidinika ny charcuterie, somary endaso kely na tsia araka izay tianao. Ao anaty lovia jobo iray hafa, kapohy ny atody dia ampio crème fraîche, sira sy dipoavatra. Hafanao eo amin'ny 210°C ny lafaoro. Hosory dibera ny lasitra ka ataovy ao ny paty efa nofisahana mialoha. Alefaso eo amboniny ny charcuterie, dia tondraho an'ilay atody voakapoka teo. Ampidiro ao anaty lafaoro mandritra ny 30mn.

Hohanina mafana ny quiche Lorraine koa raha vao avoaka amin'ny lafaoro dia arosoy avy hatrany, ampiarahana amin'ny salady.

Mazotoa homana indray àry !

R. Sidonie

**MBA SAINO****Ny Heriny**

Mandalo zava-tsaroatra, mandalo olana Hitokio ilay Andriamanitra Nahary, Haneho ny Fahefana sy ny Heriny, Ekeo ihany aloha izay Natolony, fa tsy hamela ho irery, Raha Izy no Hitokiana tokoa fa Andriamanitra Mahery!

Satria na ny fahafatesana aza Resiny, Hinoy ny Anarany ary! Na mifaly aza ny devoly, mitady izay hamele-zana amin'ny fandrika, Hiankino tanteraka ilay Andriamanitra Tsitoha, Fa ny devoly dia fahavaloo efa noresena Mijoroa, matokia ! miandry ilay fandresena Dia ny valim-bavaka seseheha.

RTH (Rakotoarivelo Tojo-Hery,  
Mandalaza, 26/04/23)

**Ny voanatsindrana (pok pok)**

**Ireo otrikaina sy singa ao amin'ny voanatsindrana :**  
A – B1, B3 – C – E – K – fer – fibre – phosphore – potassium ...

**Ireo soa azo avy amin'ny fihi-nanana voanatsindrana :**

- Mampatanjaka sy mampitombo ny hery fiarovana
- Miady amin'ny fihanyak ny sela voan'ny homamidana
- Mampitombo ny tahan'ny sela mena
- Miaro ny sela tsy ho arafesenia
- Manampy amin'ny fiasan'ny tsinay
- Mandrindra ny tahan'ny siramamy ao anaty râ
- Mampidina ny tahan'ny cholestérol
- Mandrindra ny lanjan'ny vatana
- Manalefaka ny fanaintanain'ny vatana sy ny taolana ary ny vanin-taolana
- Manamafy ny taolana



- Entina miady amin'ny fihanyak ny areti-mifindra avy amin'ny virus sy bakteria  
- Mampilamina ny tosindrà

- Manatsara ny maso sy ny fahitana
- Mampitombo hery
- Manatsara ny fandovanon-kanina
- Manatsara ny fiasan'ny hozatra
- Tsara ho an'ny mpanao fanatan-hantena indrindra ho an'ireo mampihena vatana
- Mampitony ny raritsaina sy manala havizanana
- Miaro ny aty sy ny vavony
- Miady amin'ny fahanterana

Maro ny vakatsoa azo amin'ny fihinanana voanatsindrana. Anjaranao àry no mandanjalanja ny fatra sahaza mba hitondra fahasalamana ho anao.

Fanja Raveloarijaona



# Fiangonana tsy manilikilika Manaraka ny ohatr'i Jesoa

Fampidirana ny olona manana fahasembanana ao amin'ny fiagonana kris-tianina, manaraka ny ohatr'i Jesoa araka ny Lioka 14:13-14. Ny Filazantsara araka an'i Lioka dia mitantara ny Tenin'i Jesoa izay manasa antsika handray sy hampiditra olona manana fahasembanana ao amin'ny fiagonantsika, amin'ny fanarahana ny ohatra nasehony tamin'ny fitiavana sy ny fangorahana. Hoy i Jesoa ao amin'ny Lioka 14:13-14 : "Fa raha manao fanasana ianao, dia asao ny malahelo, ny kile-maina, ny mandringa, ny jamba, dia ho faly ianao fa tsy mahazo mamaly anao ireny, fa haverina aminao izany amin'ny fitsanganan'ny marina".

Ireo Tenin'i Jesoa ireo dia manasongadina ny maha-zavadehibe ny fampidirana ny olona manana fahasembanana eo amin'ny fiarahamonina misy antsika kristianina, amin'ny fanomezana azy ireo toera-manan-kaja sy voninahitra. Naneho ohatra ho antsika i Jesoa tamin'ny fanasana manokana ireo olona voahilikilika, anisan'izany ny mahatran, ny

kilemaina, ny mandringa ary jamba, mba handray anjara amin'ny Fanasany. Miantso antsika hanao toy izany koa Izzy ary handray azy ireo amin-kafanam-po ao amin'ny fiagonantsika.

Ny fampidirana ireo olona manana fahasembanana ao amin'ny fiagonantsika dia tsy adidy ara-moraly fotsiny, fa fahafhana iray hiaina tanteraka ny fampianaran'i Jesoa ao amin'ny Baiboly. Ireto misy antony vitsivitsy maha-zavadehibe ny fampidirana ny olona manana fahasembanana ao amin'ny fiagonana kristianina misy antsika:

## 1. Vavolombelon'ny fitiavana sy ny fangorahan'i Jesoa

Amin'ny fanasana sy fampidirana ireo olona manana fahasembanana, dia maneho amin'ny fomba mivaingana ny fitiavana sy ny fangorahan'i Jesoa amin'ireo olona marefo indrindra eo amin'ny fiarahamonina misy antsika ary misfanampy amin'ny talenta, traikefa ary fomba fijery miavaka entin'izy ireo. Izany dia mamela antsika hitombo ara-panahy sy hahatkatra bebe kokoa ny fahasamihafan'ny tenan'i Kristy.

rehetra, na inona na inona toe-batany.

## 2. Fantaro ny hasarobid'ny olona tsirairay

Ny olona tsirairay, na manana fahasembanana na tsia, dia nosoronia araka ny endrik'Andriamanitra ary manana ny hasina ao anatin'y. Ny fampidirana ireo olona manana fahasembanana ao amin'ny fiagonantsika dia manaiky izany soatoavina izany ary manamafy fa ny tsirairay dia manan-jo hiditra tanteraka ao anatin'ny fiaraha-monina kris-tianina, tsy ho voahilikilika.

## 3. Mampiroborobo ny fahamihafana sy ny fampivoarana ny fiaraha-mientana

Ny fampidirana ireo olona manana fahasembanana ao amin'ny fiagonantsika dia mitondra anjara biriky amin'ny fahamihafan'ny fiarahamonina misy antsika ary misfanampy amin'ny talenta, traikefa ary fomba fijery miavaka entin'izy ireo. Izany dia mamela antsika hitombo ara-panahy sy hahatkatra bebe kokoa ny fahamihafan'ny tenan'i Kristy.

## 4. Manome toeram-pivava-hana azo idirana ho an'ny rehetra

Ny fampidirana ny fahasembanana dia midika koa ny fanaovana ny fiagonantsika ho azon'ny rehetra idirana arabatana, ara-pihetseham-po ary ara-panahy. Mety ho tafiditra ao anatin'izany ny fanitsiana toy ny "rampes", ny sezamifinantana, ny tolotra fandikana amin'ny tenin'ny tanana, ny fitaovana hita maso, ary ny fahamorana hafa mba hifantentana amin'ny filana manokan'ny tsirairay.

Io Soratra Masina io dia manasongadina ny fitiavan'i Jesoa ny olona manana fahasembanana sy ny maha zavadehibe ny fandraisana azy ireo eo anivon'ny mpianakavin'ny finoana. Manainga antsika ihany koa hijery ny maha-izy ny tsirairay ka tsy hijery izay neverintsika ho fahalemeny, fa hanao kosa izay ezaka rehetra handray ny olona rehetra amin'ny fitiavana sy fanajana, araka ny fampianaran'ny Soratra Masina.

*SRama*

## Madama be sy ny alika keliny

Madama be, izany no fiantso azy, maro ny olona no mahalala azy, noho izany dia maro ihany koa ny olona manasa azy hanatrika fanasana, fampirantiana, famelabelaran-kevitra... Manana fiainana hafakely i madama be, manana alika kely fiompy ao antranio izy, izay tsy misaraka aminy na aiza na aiza no alehany. Indray andro, nandeha namony fanasana i madama be. Vita ny fionana, naiditra ny fiara i Milou, ilay alika keliny, dia lasa izy.

Tonga teo amin'ny toerana nanasana azy, navoakany ny taratasy fanasana sy ny alikany. Akory ny hatairany nahita soratra hoe: "tsy azo itondrana alika ato". Alika tsy misaraka amiko ity, hoy izy, handoavako vola manokana izy e! -Tsy vola no olana fa ato mihitsy no tsy azo itondrana alike, hoy ny mpampiditra olona; - madio ange io e! tsy hanao maloto ao ange izy e!... Mazava io soratra io madama a: misafidy ianao na hiditra dia hamela ny alikanao ety ivelany, na hiverina hody hiaraka amin'ny



*Nalaina tao amin'ny boky Maha SALAMA TSARA Nanangona Malala Andriniaina*

## Hazakazaka masina ho an'ny tontolo iainana Manimba ny tany tokoa ve ny zezi-bazaha na zezika simika ?



Tahaka ny olombelona, dia mila misakafo ny zavamaniry ahazoany ireo otrikaina mineraly ilainy mba ho velona sy hitombo ary hamoa ka ny singa azota, faosofaoro (P) sy ny potasioma (K) no tena ilainy be-tsaka kokoa mihoatra noho ireo singa hafa. Raha amin'ny fambolea an-tanimboly dia ao amin'ny nofon-tany no hakan'ny zavamaniry na ny voly ireo singa ilainy ireo, ary rehefa ampy ho an'ny voly ny habetsak'ireo singa ireo, dia mamokatra araka ny tokony ho izy ny voly.

Mitetika anefa, tsy ampy hahatrarana ny vokatra araka ny tokony ho izy ny taharin'ireo singa ao anatin'ny nofon-tany, ary izay no antony ampiasana ny zezika na simika (na zezi-bazaha: NPK, urée, ammonium sulfate...) na organika (zezi-pahitra, compost...). Tsy dia maharisika ny tantsaha

droso, dia tsy tokony ho zezika simika fotsiny ihany no ampiasaina fa mila ampiaraha amin'ny zezika organika hattrany izany. Ny zezika organika mantsy dia mitazona sy manatsara ny tsiron'ny tany amin'ny lafiny maro, kanefa maharitra ela kokoa vao afaka ampiasaina'ny voly ny singa na otrikaina avy aminy raha oharina amin'ny zezika simika, ka izay no antony ampiaraha azy roa ireo. Mila tandremana indrindra ny fatra ampiasaina araka

izay efə omen'ny teknisiana, fa raha tsy ampy dia mazava ho azy fa mahakely ny vokatra ary raha be loatra kosa, dia mety hanapoizina ny voly.

Raha nojerena ny voka-pikarohana tamina fampiasana zezika simika misy N (urea, ammonium nitrate sy ammonium sulfate) izay nampiarahina tamina zezika simika misy P sy K, avy amina andrana fambolea miisa 64 avy tamina firenena maro maneran-tany nandritra ny 5 hatramin'ny 130 taona, dia hita fa nampitombo ny hatsaran'ny tsiron'ny tany tahaka ny zavatra organika, ny karbona (C) organika ary ny mikraoba izay mitana anjara toerana lehibe, raha oharina amin'ny voly tsy nampiasana zezika izy.

*Source : Geisseler, D. and K.M. Scow. 2014. Soil Biology and Biochemistry. 75:54-63*

*Tovo R.*

## Arahabaïna

"Ary Jehovah Andriamanitra nanao hoe : tsy tsara raha irevy ralehilahy, dia hanaovako vady sahaza ho azy izy." Gen.2. 18

- Randrianjanaka Avo Mihaza sy Patsy

## BATISA

« ...dia nisokatra ny lanitra, ary ny Fanahy Masina nidina teo amboniny... » Lio. 3. 22

- Harimalala Aurelie Zoé
- Rambinintsoa Arimialy Mahaitia
- Randrianarivelo Nomenasoa Ny Aina
- Andriamaro Morgane Miangola
- Rabealison Irintsoa Eddie Mariah
- Rakotomaro Harintsoa Irinah Stecy
- Randriamidona Andriamhanitra Tiavina Mandresy
- Rakotoson Ny Avoniaina Nomentsoa Urielle
- Rakotoson Miaroniaina Muriella A.
- Andriantiana Niaina Karina
- Andriantiana Niaina Ericka
- Ratrimoharinaivo Kaylah Arena Tinay
- Rakotoarimanana Niaina Fanasina
- Rakotonindrina Ilaina Andy

## Fiononana

« Fa Izaho mahalala ny hevitra iheverako anareo, hoy Jehovah, dia hevitra hahatonga fiadanana, fa tsy loza, mba hanome anareo fanantenana ny amin'ny farany... » Jer. 29. 11

- Rasoalandy Maminaina Alphonsine
- Ratsimanosika Joseph
- Ratovelo Angeline
- Andrianatoandro Hasina
- Ravelonarivo Solo Tiana Nirina

## TSARA HO FANTATRA

Fandaharam-potoana maro no nasiam-panovana nanomboka ny volana Aprily teo. Toy izao manaraka izao izany :

- **Ny alahady fahatelon'ny volana sy alahady voalohany** dia misy ny Fandraisana Fanasan'ny Tompo, koa amin'ny **06 ora sy sasany** amin'ireo fotoana ireo no **fidirana voalohany**.

- Ho an'ireo manana tsy salama na ray amandreny tsy afaka mamonja fotoam-pivavahana, dia afaka milaza ao amin'ny mpandraharaha handaminana ny **famangian'ny Mpitandrina any an-tokantrano** isaky ny alakamisy.

- **Ny alahady farany amin'ny volana no anantanterahana ny Ankatoka** ka manomboka amin'ny 09 ora, Ankatoka : fanomanam-panahy amin'ny Fandraisana Fanasan'ny Tompo ary fandaminana ireo raharahan'ny fiagonana avy any amin'ny mpihevidraharaha.

- **Ny Katekomena** dia mianatra isaky ny alahady ary miditra amin'ny **2 ora hariva**

- Ireo **taratasy rehetra ampandalovina mpihevidraharaha** kosa dia ny **alahady faharoa** fara-fahatarany no tokony ho tonga ao amin'ny mpandraharaha

- **Ny fandraisan'ny mpitandrina ny vahoakan'ny Andriamanitra** dia isaky ny **Talata sy Alakamisy amin'ny 3 ora** ao am-pianganana.

- Ireo hanao **dinika batisa sy mariazy** kosa dia ao amin'ny Mpandraharahan'ny fiagonana Atoa Ravoajanajary no maka ny dinidinika momba izany mialoha ny hihaonana amin'ny Mpitandrina.

# Fiadanana amim-pitoniana, fitodihana amin'Andriamanitra Mahery

## Fiankanan-doha tsy mahamenatra

Ny isavasavana ny raviny, ahitana ny fotony. Ny fototra moa maro karazana, ao ny malemy ary misy ny mafy. Tsy dia manano-sarotra ny fanavahana ny fototra ijoroan'ny trano, ny trano aorina ambony fasika dia tsy mateza noho ny trano miorina ambony vato-lampy.

Toketelo vilany mitongilana ka izay tsy mety arenina. "Malazo ny ahitra, ka mihibetsana ny voniny; fa ny Tenin'ny Tompo dia maharitra mandrakizay" - I Petera 1:24b:25a, fa tahaka ny olona mitady toko ka sendra vato ny mino, mifaly mamestraka tanteraka ny fiafiany amin'ny fi-noana an'Andriamanitra izy. Tsy mamitaka ny Tenin'Andriamanitra izay fampanantenana tsy mbola nahadiso fanantenana. Ny na-hafatesan'i Jesoa sy ny fitsanganany dia nialohavan'ny Tenin'Andriamanitra. Efa nanomana sy nizara izay hitranga i Jesoa Kristy. Ny voavonjy, ny mino dia feno fahalalana ny fitiavan'Andriamanitra izay sady mitarika sy mananatra, ary mamindra fo koa raha nisy fivilian-dalana, ka miaiky ny ratsy vita sy miverina amin'ny tsara.

Fa fiteny mifangaro eto ilay hoe: mivavaka ny alahady ary mangalatra akoho ny alatsinainy. Ny alahady dia miondrika manaiky an'Andriamanitra ho Andriamanitra avokoa. Ary "tahaka ny saonjo iray lohasaha, ka tsy ilaozan'izay iray mamarara". Tsy vitsy no mandoa ny toe-panahy manompo an'Andriamanitra ka miliatsaka anatin'ny fakam-panahy amin'ny andavanandrom-piaianana. Mangalatra, tsy akoho ihany, fa ny ngeza lavitra noho izany, satria mivoa fototra inoana sy antenaina, ka manompo andriamanitra



hafa sy mampirafy Azy.

Miroso amin'ny fe-potoana tokony hifidianana filoham-pirenena ny Malagasy. Anisan'ny manana andraikitra ny fiangonana amin'ny fanabeazana ny olom-pirenena mbà ho mendrika, amin'ny fomba maro. Manana ny anjara toerana mahomby ny fiangonana sy ny kristianina, raha tsy hijery afa-tsy ny fana-

nana zana-piagonana olomanga sy tomponandraikitra eny anivon'ny fiaraha-monina any anatin'ny sehatra isan-karazany.

Ny mifampivavaka dia efa fanao, indrindra ho an'ny mpiton-dra, "ary ny fanantenana dia tsy mampahamenatra, satria ny Fanahy Masina, Izay nomena antisika, no nentiny nampidina ny fitiavan'Andriamanitra ho ao am-pontsika" - Romana 5:5.

## Finoana : Vatofantsika ifaharana

Maka toerana ary miverimberina matetika ny fanoomezan-danja ny fifikirana sy fanehoana tsy misy fetra ny maha-izy ny olona.

Raisina hanazavana aza indraindray ny Baiboly entina hanohanana ny toeran'ny maha-izy azy ny olona iray. "Fa ny fahasoavan'Andriamanitra no naha toy izao ahy" - I Korintiana 15:10a. Mirongatra ny fanofanana sy fivoriana manusika ny fanomezantoe-rana ny fiavahana ara-toetra. Dia mharoboka olona tokoa ny varotra ataon'ny mpise-hatratra mitetika fahazoambola eo ambonin'ny lamo-sin'ny marivo fototra.

Vao tsy ela no nankalazana an'Andriamanitra noho ny faha-90 taona an'i Henri RATSIMBAZAFY.

## Fintina toniteny VOLANA APRILY

### MAMERINA AMIN'NY FAHAMARINANA

Alahady 30 Avril 2023 izay nalaina tao amin'ny Jaona 21:15-19.

Manana hafatra 3 sarobidy ho antsika ny Tompo mba tena ho mpanompo mahatoky isika amin'izay efa niantsoany antsika:

1. Fiverenana ao amin'ilay tena fitiavana marina an'Andriamanitra.

Ny fanekentsika azy ho Tompo sy Mpamony no ahafantsika miaina ilay tena fitiavana.

Ny andrasan'Andriamanitra amintsika izany dia isika tia azy amin'hy endrinry rehetra.

2. Aoka ho mpanompo azo ametrahana fitokisana eo amin'ny anjara asam panompoana.

Mila mifankafantatra tsara ny ondry sy ny mpiandry ondry mba ahafahana miara mampandroso ny asan'Andriamanitra.

3. Fahavononana marina hanarakana an'i Jesoa. Jesoa no arahina, Izy no modelim plainantsika.

Noho izany dia mila mahafoy ny zavatra rehetra sy izay rehetra mbola mamatompatrotra antisika ho am asam-panompoana isika.

Koa enga anie mba ho Petera vaovao avokoa izaho sy ianao amin'ny fampandrosoana ny fiangonan'Andriamanitra.

Amen

Alahady 23 Aprily izay nalaina tao amin'ny bokin'ny Eksodosy3: 1-6.

Lohahevitra : Ny niantsoan'Andriamanitra an'i Mosesy.

Anio dia miantso ahy sy anao ny Tompo ary fomba 3 no entin'Andriamanitra maneho izany antso izany.

1. Andriamanitra miantso dia mamestraka famantrana eo amin'ny lalana izay izorantsika.

Antsoin'Andriamanitra amin'ny alalan'ny famantrana izay mitranga eo amin'ny fainantsika isika (ny aretina, ny olana, ny ady ...).

Aza variana amin'ireny trangan-javatra amin'ny fiafiana ireny, fa mitodiha amin'ny Tompo, henoy Izy ary maneke hotarihany.

2. Andriamanitra miantso dia Andriamanitra mandrara sy manome baiko araka ny Faha-masinany.

Tokony handini-tena isika manoloana ny Antson'Andriamanitra, ka hiala amin'ny toetra ratsy sy izay rehetra tsy ankasitrahan'Andriamanitra satria masina loatra ny Andriamanitsika.

Tsarovy fa ao anatin'ny fahamasinana tantekera no ahafahan'Andriamanitra miasa eo amin'ny fainantsika.

3. Andriamanitra miantso dia Andriamanitra manambara ny toerany ho amin'izay rehetra antsoiny.

Izy dia Andriamanitra manankarem-pamin-drampy sy fahaoavana ary tena harena sareboly ho antsika izany.

Fahatsarana amin'ny lafiny rehetra ny harena ampanantenain'ny Tompo ho ahy sy ho anao raha mitoky sy mihaino Azy ary mamaly ny antsony isika.

Amen

Alahady 16 Avril izay nalaina tao amin'ny Matio27:50-53

Manambara inona amintsika ny fahafatesana miavaka an'i Jesoa?

Hafatra 3 no zaraina amintsika amin'izany :

1. Fahafatesana nandravan'ny Tompo ny efity ny fisarahana.

Io no nanehoan'ny Tompo ny faratampon'ny fitiavany izao tontolo izao.

Ny fahafatesan'i Jesoa izany dia fampihavanaugha antsika amin'Andriamanitra sady fampihavanaugha antsika olombelona samy olombelona.

2. Fahafatesana nanehoan'Andriamanitra ny hery tsitohany ho an'izao tontolo izao.

Tsarovy fa amin'ny fotoana ise-hoan'ny trans-gan-javatra mafy eo amin'ny fainantsika no anehoan'Andriamanitra ny Heriny sy ny Fahefany ary ny Asany mahagaga mba hahatonga antsika ho fitaovana mahery vaika eo am-pelatanany.

3. Fahafatesana anehoan'Andriamanitra ny Fandreseny ny herin'ny fahafatesana.

Io ny fahatanterahan'ny "mission" an'Andria-

manitra.

Tanteraka ny famonjena ary antoky ny mandrakizay ho ahy sy ho anao izany.

Amen

Alakamisy Masina : Hafatra nalaina tao amin'ny Lioka 22:47-53 :

Ireo faharatsian-toetra ataon'olombelona:

1. Ny fihatsarambelatsihintsika manoloana ny Fitavan'Andriamanitra.

Mila mifamatotra tsara amin'ny Tompo isika ahafahantsika manohitra ny fakapanahy.

2. Ny hafanampo diso toerana eo amin'ny fainantsika.

Mila mamantatra tsara ny sitrapon'Andriamanitra isika fa tsy manaonao foana

3. Ny fitiavam-pahefana izay miteraka fankahalana hatramin'hy farany.

Mila manetry tena sy mijoro ary miambina tsara amin'ny vavaka isika fa io ihany no antoky ny fandreseny aha-fahantsika manohitra ny ratsy.

Amen

Alahady 09 Avril - PASKA

Velona i Jesosy !

Resiny ny fahafatesana!

Tanteraka ny famonjena.

Faly miaraha antsika nahatratra ny Paska.

Hafatra 3 no hozaraina amintsika amin'izao andro Paska izao, izay nalaina tao amin'ny Lioka24:1-12.

1. Jesoa Kristy nitsangana tamin'ny maty dia Jesoa Kristy handresy.

Rehefa ao amintsika ny fonoana, dia tsarovy fa sokafany ho antsika ny lalam-pitahiana sy ny kitoatoana rehetra eo amin'ny fainantsika.

Aza adinoina fa fainam-pandresena no kendren'ny Tompo ho ahy sy ho anao amin'izao Paska izao.

2. Jesoa Kristy nitsangana tamin'ny maty dia mampihihary ny fahamarinan'ny Tenin' Andriamanitra.

Io no manamarina fa Marina amin'ny Teniny

Anisan'ny andalan-tsoratra masina noraisiny io I Kointiana etsy ambony io. Hanomezana toerana ambony an'Andriamanitra no antony, amin'ny talenta tsara sy vokatra tsara ananany. Ny vola dia maka toerana ao ambadiky ny sasany amin'ireo mpisehatra amin'ny famporishana ho amin'ny fatokisan-tena, mbà haharesy lahatra olona iray fa manana toetra tsara afaka mamokatra tsara izy "Développement personnel".

Ny fandrika mahazo ny mpanjifa ny fivoriana sy fiofanana amin'io, dia tsy hita mivantana satria manoloana ny adin-tsaina sy ny rarintsaina iainan'ny maro, dia na ny toetra ratsy aza dia ezahana omena toerana. Rehefa miavaka, dia izay no zava-dehibe. Ny tambazotra sosialy dia anisan'ny mampisy io rarintsaina io rehefa tsy voafehy. Sehatra iray, rindrina iray ny tambazotra sosialy mbà hampisehoana ny maha-izy azy olona iray. Tonga ny rarintsaina sy ny tsindrintsaina rehefa tsy mahazo "j'aime" na tsy misy mihaino. Ny hazo dia tsaraina araka ny voany sy ny vokatra entiny. Ireo mpampiofana, "coach", dia tsy mamporisika mbà hahatsapana ny toetra ratsy tokony ho ovaina, ezahany ny hampatoky tena ny olona amin'ny maha-miavaka azy. Ny fiavahana no manjary maka toerana sy ezahana na inona na inona vokatra ratsy ateraky izany. Mbola tsy tratra aoriana raha mamerina miarahaba an'Andriamatoa RATSIMBAZAFY, amin'ny fiderany an'Andriamanitra ka tsy ametrahany ny tenany ho zavatra, fa manaiky tefen'Andriamanitra mba ho fitaovana soa ho mpanakanto, miaiky ny fahalemena, manary ny ratsy ary mifidy ny tsara.

"Fa tonga fiarovana mafy ho ahy Jehovah; Ary vatolampy fialofako Andriamnitro" - Salomo 94:22. Jocelyn R.



**TENY FIAINANA**  
Fa hahazo hery hianareo amin'ny hilatsahan'ny Fanahy Masina aminareo ary ho vavolobeloko...  
Asa. 1. 8a

## > VOLINTSAINA

### Miaro ny finoana

Sivana? Arofanina? Haino aman-jery no resaka. Niantomboka tamin'ny 3 martsa 2013 lasa teo no nadefasana ny horonan-tsary mitohy iray: "The Bible". Any ivelany ny haino aman-jery mandefy azy ity, izay manana mpijery "13 million" eo ho eo. Horonan-tsary niteraka re-sabe sy fahasorenana ho an'ny kristiana maro araka ny fanadihiana iray noho ny tsy fitovian'ny ny tantara amin'izay lazain'ny Baiboly marina. Amin'ny fomba moderna saingy mivoana.

Ny mahay sy miaina izay lazain'ny Soratra Masina marina no hany sivana sy arofanina amin'izay mety holazain'ny sofina. Arovry ny finoanaao fa be ny fitaka.

fifiAV

## > PERIKOPA MEY

**Andriamanitra miasa ny Fanahy Masina**  
Alahady 07 May  
1 Mpan 3.16-28/ Jao 14.25-26/ 1 Jao 4.1-3

Alahady 14 May  
1 Tant 12.16-18 / Mar 12.35-37 / Rom 8.14-17

Alahady 21 May  
Neh 9.29-31 / Lio 12.8-12/ 1 Kor 6.9-11

Alahady 28 May-Pentekosta  
Joe.3: 1-5/ Jao.15: 26-27/ Asa.2: 1-13



Mischo isam-bolana  
**Talen'ny gazety**

Ravaloson Mpifandrina  
Mpandrindra : ANDRIANARISON Veronica RAHAINGOMALALA Sidonie

Komity fanoratana : RAZAFINDRIVANGY Ninie RAKOTOARIVELO Tojo hery RAZAKA Ianjanaina RAMARO Rojo

RASOAVELOSON Jocelyn RANDRIANASOLO Haja ANDRIANTSILAVO Harinjaka Mampianina RAHANTRAMALALARSOA Ralantoharimana

Vonifanjainaina Robertine RAVELOARIAONA Fanja ANDRIANARIJAONA Olimala Livaharisoa Malala Andrinaina RAVELONARIVO Harilalaina

ANDRIANTSOAMIHAMINA RATSIMATAHOMANANA Nini

**Fanitsiana Tsipelina :** RATSIOTARISON Hanta Rindra ara-takelaka :

Ranainoson Haja Mailaka : fafanagazety@live.fr Tél. : 034 84 497 64

Printy : Imprimerie RAJAONARIVONY

Adresy : Lot IVN 50 A Ankadifotsy - 101 Tanà GSM : 033 14 281 27

*Ny nitondra ny hafatra dia Pasteur RAVALOSON FJKM Ankadifotsy.*

## FJKM Berenty

# Hotokanana amin'ny 31 May hoavy izao

*Fotoan-dehibe ny amin'ny FJKM Berenty ny 31 May izao satria amin'io fotoana io no hanokanana ny fiangonana.*

**H**o tokanana ny 31 May 2023 izao ny FJKM Berenty. Nanao fitsidi-hina ho fanomanana ny fitokanana sy njery ny fandroson'ny asa ny solontena 4 avy eto amin'ny Fitandremana Ankadi-fotsy, izay nahitana an'Andriamatoa Ramananarivo Mamy Emile, biraon'ny fiangonana, Rakotondrazah Agan sy Randriamadana Feno, teknisiana taotrano ary Ratsimbazafy Ravo biraon'ny AFF. Nisy ny fihaonana tamin'ireo tomponandraikitra tany an-toerana toy ny Ben'ny tanàna, zandarmaria, filoham-pokontany, biraom-piangonana, STK,



Ny endriky ny fiangonana FJKM Berenty amin'izao fotoana.

mpandrafitra (nanao ny dabilio sy ny fanaka masina).

Marihana fa izay handeha any dia samy mitondra ny fi-

taovam-pihinanany avy, ny kidoro hatoriana, ny fitaovam-pidiovana ary tsy mahazo mihoatra ny 15 kg isan'olona

ny entana ho entin'izay handeha fiara iombonana noho ny faharatian'ny lalana.

Mila Baiboly 20, Fihirana 20, Fihirana Fanampiny 20 koa ny any, ary vatomamy sy bisky hozaraina amin'ireo ankizy sy tanora any. Koa izay afaka manome izany dia aterina ao amin'ny Mpandrahaharan'ny fiangonana alohan'ny 25 May.

Mila ny fitondrantsika ambavaka ny fanatanterehina izany satria sarotra ny asa miandry antsika amin'ny famitana tanteraka ny trano fiangonana.

Nanangona Malala Soa

## STK Ankadifotsy - Fankalazana ny faha-25 taona Antsan-kira natao tao amin'ny CC Esca Antanimena

"Mankalazà an'i Jehovah, fa asa lehibe no nataony; ary aoka ho fantatra any amin'ny tany rehetra izany" Isaia 12:5

Notanterahina tao amin'ny CC ESCA, ny 30 Aprily 2023 ny antsan-kira fankalazana ny faha-125 taonan'ny STK FJKM Ankadifotsy.

Natomboka tamin'ny fanompoam-pivavahana ny fotoana izay notarihan'ny mpitandrina Ravaloson. Nanokatra sy namarana ny fotoana ny Mpihira Ny Farimbona amperinasa. Amin'ny maha mpikambana azy, dia nandray anjara niaraka tamin'ireo Mpihiran'ny Farimbona Zokiny i Henri Ratsimbazafy.

Nampihaingo ny fotoana nandritra ny antsan-kira kosa ny soradihin'ireo STK Hay Kanto. Nifanotrona sy nifanome tanana tamin'ny fana-



Mpihiran'ny Farimbona zokiny niaraka nihira tamin'i Henri Ratsimbazafy.

tontosana ny hetsika niaraka tamin'ny Ny Mpihiran'ny Farimbona sy Ny Mpihiran'ny Farimbona Zokiny ary ny STK Ankadifotsy Hay Kanto ireo vahiny nasaina toa an'i Elsie, Rija Ramanantoanina, Reko Band, Mi'Ritsoka Production, VTM, AFIFAB.

Tonga niara-nidera sy nome voninahitra an'Andriamanitra koa ny mpitandrina Ravaloson mivady sy ny mpitandrina teo aloha Ranjakavola mivady ary ireo namana aman-tsakaiza, indrindra ireo mpiara-manompo ao amin'ny FJKM Ankadifotsy.

Feno fiderana sy fifaliana ny rehetra. Nafonja ny hafatra nomen'ny mpanentana Aina Rasoaivo : "Aza laniana any ivelan'ny fiangonana ny fotoana sabotsy sy alahadinao fa tongava manatevin-daharana ny mpikambana ao anaty fikambanana."

Ho fitohizan'ny hetsika taorian'ny seho antsan-kira fiderana iny, dia nanambara ny filohan'ny jobily Randrianarison Aurélien, fa mbola hisy ny hetsika fiaraha-misakafo eny amin'ny FOFIKRI Ilafy amin'ny 18 Jona 2023. Koa dia manantene hatrany ny fandraisantsika rehetra anjara.

Marihana fa 65.000.000 Ariary no hifampantsorohantsika ho an'ny tsangambato faha-125 taona ity izay "ezaka fanamafisam-peo sy zava-mano" ho an'ny fiangonana.

Fanja Raveloariaona

## Fifaninanana ara-panantanjahantena Nosokafana tamin'ny fanompoam-pivavahana

Notanterahana teto amin'ny fitandremana Ankadifotsy ny sabotsy 22 Aprily 2023 ny fanompoam-pivavahana nanokafana ny fifaninanana ara-panantanjahantena baolina kitra sy baskety izay tafiditra ao anatin'ny fankalazana ny faha-125 taonan'ny Sampana Tanora Kristiana. Nanomboka tamin'ny 2 ora sy sasany tolakandro ny fotoana izay notarihan'ny Raiamandreny mpitandrina Ravaloson, izy ihany koa no nanome ny hafatra izay nalaia tao amin'ny teny faneva amin'izao fankalazana izao

araka ny Isaia 12 . 5 "Mankalazà an'I Jehovah, fa asa lehibe no nataony; ary aoka ho fantatra any amin'ny tany rehetra" izay nanafarany fa mandeha any amin'izao tontolo izao ary mitory ny Filazantsara ho an'ny olona rehetra ity fifaninanana ara panantanjahantena ity.

Fiangonana 11 no namaly ny antso amin'ny fifaninanana baolina kitra olona 11 sy ny baskety, dia ny FJKM Ankadimbaoka, Faravohitra Avatra, Antanimena Atsinanana Fifaliana, Ambodivona Filadelfia, Salama Vaovao 67 Ha,

Ambatonakanga, Anosivavaka Ambohimarina, Analakely, Analamahitsy, FLM Androhibe ary ny FJKM Ankadifotsy.

Nambaran'ny Mpitandrina Ravaloson fa misokatra amin'ny fomban'ny fiangonana ny fifaninanana eo ambanay fitantanan'izy Tompo amin'ny alalan'ny komity mpikarakara Andriamatoa Ravaloson Miharimbola Zahonoany. Nanambara ihany koa ny komitin'ny Fankalazana fa hisy valisoa hatolotra izay mpandresy any amin'ny volana Jolay any.

Taorian'ny tsodrano dia notohizana tao amin'ny Akarin'aina ny fizarana vondrona ireo tarika, ary efa nanomboka ny sabotsy 29 Aprily teo ny fifaninanana koa nanokatra izany tamin'ny 11 ora ; FJKM Ankadifotsy sy ny FJKM Analamahitsy ary tamin'ny 1 ora; FJKM Faravohitra sy ny FJKM Salema vaovao 67 Ha.

Koa manasa anao hianoka sy handray ny Filazantsara ao anatin'izao fankalazana an'Andriamanitra.

Nangonin'i Haja RANDRIANASOLO

## Mpamaky teny FJKM Anosizato Hebrona Nitsangana ny birao vaovao

Tafatsangana ny birao vao-vao 9 mianadahy hitantana ny Mpamakiteny Fjkm Anosizato Hebrona.

Vita ny sabotsy 29 Aprily 2023 ny fampiofanana famakiana Soratra masina tao amin'ny Fjkm Anosizato Hebrona. Izany dia nanomboka ny sabotsy 15 Aprily 2023 izay niarahana tamin'ny Mpamakiteny Ankadifotsy. 18 miana-

dahy ireo nisitraka izany, nati-tana ireo solotenan-tsampana toy ny SLK, Sekoly Alahady, Fifohazana, biraom-piango-nana.

Tratra ny tanjona ho an'ny fampiofanana dia ny Vakiteny Marina, Mazava, Miaina. Filazantsara voavaky tsara, Filazantsara manova ny tantara. Marihina fa ny Fjkm Anosipatra no nahavita ny fiosfanana

ny volana Martsa lasa teo ary ny Fjkm Ankadikely indray izany izao no hahazo iza ny amin'ity volana May 2023 ity. Ho an'ny ato anatin'ny dia mitohy ny fivarotana ireo Baiboly "personnalise", stylo, bracelet, porte clé, bloc notes fandraisana toriteny isan'alahady eo amin'ny tranoheva Mta. Izany dia ao anatin'ny fankalazana ny faha-35 taona

n'ny Mpamakiteny. Ny tanjona dia ny hanatratrana ny tsangambato "Studio de production" hamokarana ny fandaharana "Hazoto Hamaky Baiboly" halefa amin'ny onjam-peo, ny "audio perikopa" hozaraina amin'ireo fitandremana hampianintsika.

"Raiso ny tenin'Andriamanitra ho sabatry ny Fanahy." Efesiana 6 : 17. Rojo Ramaro

## Fikambanan'ny Tanora Zokiny Mikolokolo ny finoana amin'ny alalan'ny asa soa

Ny alahady 16 Aprily 2023 lasa teo no nanatanteraka ny fanta-neram-bokatra ny fikambanan'ny Tanora Zokiny. Ny fikambanan'ny Tanora Zokiny dia fikambanana naorin'ny mpitandrina Rabemanahaka sy ireo Raiamandreny teto anivon'ny fiangonana toa an-dry Mamasoa, Rasalama Sahondra mivady izay efa samy nodimandry avokoa, teto amin'ny FJKM Ankadifotsy ny Aprily 1967, 56 taona lasa. Fikambanana izay ahafahan'ny ankohonana manontolo miara-manompo satria ahitana ny sokajin-taona rehetra ao, fa tsy ny zokiny ihany.

Ny tanjona dia mba ahafhana mikolokolo ny finoana amin'ny asa soa izay atao na eto anivon'ny fitandremana na ivelany. Raha ho an'ny any ivelany, dia mamaly ireo fangatahaha fiaraha-miasa ataon'ny fiangonana FJKM izay sokajiana ho sahirana, ka hanomezana fanampiana azy ireo, toy ny famitana asa fananganana fiangonana, na rava noho ny loza voajanahary eto anivon'ny synoda Larivo Avaradrano aloha.

Kanefa tsy manakana ihany koa ny fiaraha-miasa amin'ny fiangonana ivelany toy ny nanampiany ny fiangonana Amboanio Fiderana izay ao anatin'ny synodam-paritany Boina Vaovao Mahajanga II, ka nanampiana azy ireo tamin'ny tafon'ny fiangonana manontolo. Efa maro ireo fiangonana novangiana sy nampiana tao anatin'izay 56 taona izay, kanefa maro koa no mbola miandry satria dia 1 isan-taona ihany no vita. Ao koa ny famangiana zaza kamboty eny Tangaina, ny Akany Avoko tamin'ny Desambrä, ka hanampiana azy ireo toy ny fizarana fitafiana, vola, vatomamy, bisky, araka ny fanazavan'ny filohan'ny Tanora Zokiny Raoerao-sa Lanto.

Raha ho an'ny ato anatin'ny, dia maro ny asa natao teto anivon'ny fitandremana Ankadifotsy, anisan'ny mavitrika tamin'izany ny fikambanan'ny Tanora Zokiny:

- trano fisainana faha-2 fanasana vera
- ny tafo tantera-pahazavana na « auvent » atsinanana sy ny miakatra amin'ny tohatra ny vavahady be
- ny seza vato ato atsinanana, efitra IFR natao « carreaux »

Amin'ireo fankalazana samihafa, dia mandray anjara hatrany ny FTZ. Ireo izay manome am-pifaliana no tian'Andriamanitra.

Ny tolakandro kosa dia nisy ny seho an-tsehatra niarahana tamin'ny fikambanan'ny Tanora Zokiny sy ireo zanaky fiangonana toa an'ny sampana Fifohazana, ny Rantsana Fanantenana sy ny Vokovoko manga, Rijakely, ny Miray Feo, famille Andry, ary Feno sy Narindra (izay avy ao amin'ny tarika Ndriana Ramanjy). Nanehoan'zy ireo ny talenta izay nomen'Andriamanitra azy ireo tamin'ny alalan'ny hira sy ny dihy.

Nanangona Ianja R. sy Tojo R.



Fikambanan'ny tanora zokiny nandritra ny seho an-tsehatra nataon'zy ireo.

## Sekoly Alarobia Nankalaza ny taom-baovaony ihany koa

Tamim-pifaliana tanteraka no niarah'an'ireo mpianatra sy mpampianatra Sekoly Alarobia nanatanteraka ny taom-baovaon'zy ireo, ny alarobia 12 Aprily tolakandro lasa teo, teto am-piangonana. Fiaraha-misakafo no endrika nanehoana izany, niara-nanapaka mofomamy ireo mpampianatra sy mpianatra, mba ho endriky ny fifandraisana, fifankatiavana misy eo amin'izy ireo, arynofaranana tamin'ny fizarana izany mofomamy izany ny fototoa.

Mpianatra 70 no mianatra isaky ny alarobia amin'ny 2 ora, izay zanak'ireo sahirana ahian'ny fiangonana ihany ny maro amin'izy ireo. Tsy mianatra Soratra Masina fotsiny ihany, fa tena omena fitiavana, taizaina tena hiaina amin'ny Tenin'Andriamanitra hatrany eny amin'ny fiarahanonina misy azy eny. Mandray asa ny fampaherezana ihany koa isaky ny vita ny fampianaranana.

Mpampianatra 5 no miandraikitra ny fampianaranana sy ny fitai-zana rehetra atao ho an'ireo ankizy ireo, noho izany dia raisina am-pifaliana raha misy terem-panahy hifanampy amin'izy ireo amin'izany asan'ny Tompo izany.

« Ary araka izay efa nataonareo tamin'ny anankiray amin'ireto rahalahiko kely indrindra ireto no nataonareo tamiko hoy ny Tompo. » (Mat 25: 40)

Malala Andriniaina